

## Nd. 120. Frumvarp til laga

um embættisbústaði héraðsdómara.

Flm.: Gísli Sveinsson.

### 1. gr.

Rikisstjórnin skal þar til fullnægt er húsnæðisþörf héraðsdómara, láta byggja eða kaupa 1—2 ibúðarhús á ári handa héraðsdómurum, enda sé þar rúm fyrir skrifstofur þeirra, skjalasafn o. s. frv. Byggingarnar skal gera eftir teikningum, er ráðherra hefur samþykkt. Byggingum skal laga í samræmi við húsnæðisþörf og aðstæður á hverjum stað, og sé vandað til staðarvals og byggingarlóðar. Þar skal fyrst byggja, er þörfin er mest að dómi ráðherra, að fengnum tillögum Félags héraðsdómara.

Kostnaður allur við framkvæmdir þessar greiðist úr ríkissjóði.

### 2. gr.

Nú verða héraðsdómaraskipti og så, er af störfum laetur, eða bú hans á hús, sem að dómi ráðherra er hæfur héraðsdómarabústaður, og skal þá rikisstjórnin kaupa eignina, ef viðtakandi héraðsdómari óskar, enda fáið hún fyrir hæfilegt verð að dómi sérfróðra, óvilhallra manna.

### 3. gr.

Héraðsdómarar greiði leigu fyrir afnot einkaibúða sinna samkvæmt ákvörðun ráðherra, þó eigi yfir 10% — tíu af hundraði — af grunnlaunum þeirra, að viðbættri verðlagsupphót.

Um viðhald embættisbústaðarins o. fl. fer eftir reglum, er ráðherra setur.

### Greiðargerð.

Frumvarp þetta er samið af stjórn Félags héraðsdómara, og hefur það legið hjá dómsmálaráðuneytinu síðustu missiri, en þangað var það sent með áskorun

um, að ríkisstjórnin beitti sér fyrir flutningi og framgangi þess, svo sem skylt mátti teljast, því að hér er um að ræða hina fremstu og ábyrgðarmestu starfsmenn sjálfss ríkisvaldsins, sem eiga að varðveita mikil verðmæti og dýrmæt skilríki fyrir þess hönd, — og verða þó að standa með það allt „á götunni“, ef svo ber undir. Sjá vist flestir, hvilikt reginhneyksli slíkt ástand er, sem ekki þekkist lengur hjá siðuðum þjóðum. Er því ekki vanþörf hér úr að bæta og það hið fyrsta, og að sjálfssögðu hefði það fyrr átt að vera, enda hefur flutningsmaður frumvarpsins fyrir löngu bent ríkisstjórnnum landsins á þetta, þótt því hafi eigi verið sinnt, hverju sem um er að kenna.

Aðeins hin nauðsynlegustu fyrirmæli eru tekin upp í frumvarpið, og má við meðferð þess í þinginu auka það, ef þörf þykir. Að öðru leyti fylgdi því frá stjórn Félags héraðsdómara svo látandi rökfaðsla:

Fram á síðustu ár, og enn að mestu, hafa héraðsdómarar landsins orðið að sjá sér sjálfir fyrir húsnaði, þ. e. ibúð, skrifstofu og geymslu fyrir embættisbækur og skjöl. Til þessa liggja að vísu þau sögulegu rök, að sýslumenn hafa til tiltölulega skamms tíma einnig verið bændur, og húsnæðisvandamálið þá allajafna verið leyst, um leið og jarðnæði var fengið. Á síðustu áratugum hafa umboðsstörf héraðsdómaranna margfaldað og halda jafnt og þétt áfram að aukast. Er nú svo komið, að þeir verða að gefa sig alla við störfum sínum fyrir ríki og hérað og hafa engan tíma aflögu til bústjórnar, þótt aðstæður að öðru leyti hefðu leyft það. Hið fyrsta vandamál hvers nýskipaðs héraðsdómara hefur því nú um sinn verið það að fá þak yfir höfuðið. Oft hefur þetta vandamál ekki orðið leyst á annan veg en þann að byggja nýtt hús, sem síðan hefur verið selt hæstbjóðanda, er héraðsdómarinn flutti burt eða á annan hátt létt af störfum á þeim stað. En hefði héraðsdómarinn ekki bolmagn til þess að byggja, varð hann að kaupa hús eða taka húsnaði á leigu. Slíkt húsnæði hefur að vonum, oftar en hitt, verið mjög á annan veg en æskilegt hefði verið, stundum of lítið, stundum of stórt, óhentugt að herbergjaskipan, en þó orðið við að hlita, þar sem ekki var á öðru völ. — Á verðbólgtínum þeim, er nú standa yfir, er félitlum héraðsdómurum fjárhagslega um megn að byggja eða kaupa, en mjög undir hælinn lagt, að leigu húsnæði sé fáanlegt. Rörétt afleiðing þessa, ef slíkt ástand helzt, hlýtur að verða sú, að menn leita að öðrum störfum fremur, þar sem þessir anmarkar eru ekki fyrir hendi í jafnrikum mæli. Svo langt ganga þessir erfíðleikar nú þegar, að vitað hefur verið um a. m. k. 2 héraðsdómara, er um stundarsakir hafa setið í húsnæði í skjóli gildandi húsaléigulaga, en í algerri óþökk húseigenda. Væri hér ekki um að ræða fullkomið alvörumál, mundi megi telja það góða skopsögu, er ríkisstjórnin neyddist til, samkvæmt framkominni löglegri kröfum, að skipa mann með fógetavaldi til þess að bera héraðsdómara út á götuna, og þá ekki eingöngu hann sjálfan, konu hans og börn, heldur og skrifstofugögn, bækur og skjöl ríkisins og hlutaðeigandi héraðs, er í hans vörzlu væru. .... Auk þessa, er nú var talið, verður varla um það deilt, að stefna beri að því, að húskostur opinberra starfsmanna sé frekar til fyrirmynadar en hið gagnstæða. Loks virðist og fullkomlega ósanngjarnt, að héraðsdómarar séu, að þessu leyti, skör lægra settir en t. d. hin fjölmenna prestastétt, sem jafnan hefur átt að einhverju húsnæði að hverfa, að undanskildum örfáum kaupstaðarprestum, en þó nú kappsamlega að því unnið að bæta einnig úr þeirri þörf. Er þess fastlega vænzt, að Alþingi sjái nauðsyn þessa máls og sanngirni þeirra raka, er það styðja.